

Samir Lemeš iz Zenice Šampion zaštite prirode u kategoriji preko 30 godina starosti

Prof.dr. Samir Lemeš je univerzitetski profesor stalno zaposlen na Univerzitetu u Zenici. Postdiplomski studij "Konstruiranje mašina" na Mašinskom fakultetu u Zenici završio je 2002. godine, a doktorsku disertaciju je odbranio 2010. godine na Fakultetu za strojništvo u Ljubljani.

Dugogodišnji je ekološki entuzijasta koji je aktivno uključen u rad Udruženja EKO FORUM, Zenica. U proteklom mandatu je bio predsjednik udruženja a trenutno je Predsjednik Upravnog odbora udruženja.

Dao je veliki doprinos širenju ekoloških ideja u Zenici i BiH, aktivan je borac na promociji zaštite okoliša i naročito na problemima zaštite zraka od zagađenja u Zenici i cijeloj BiH. Aktivan je učesnik na mnogim ekološkim skupovima i manifestacijama. Naročito velik doprinos je pružio u medijskoj informiranosti kako domaće tako i strane javnosti kroz istupe, intervjue i nastupe o stanju zaštite okoline.

"Uradili smo što je u našoj moći. Izveli smo ljude na ulicu i nije dalo efekta. Sad smo pokrenuli krivične prijave. Nije nama cilj da neko ode u zatvor, da plati kaznu. Nama je cilj samo da se ubrzaju investicije u industriji i da se riješe problemi koje su u Evropi riješili prije 40-ak godina. Na naše tužbe, umjesto da se pokrenu investicije mi smo dobili nove izgovore", rekao je Lemeš na jednom od skupova i dodao da u Eko forumu ne mogu biti nikako zadovoljni stanjem u Zenici i BiH.

Aktivan je i društveno-politički radnik i kao delegat u Skupštini Zeničko- Dobojskog Kantona, gdje vrlo često iznosi i obrađuje ekološke teme i probleme. Kao pedagog na Univerzitetu je zapažen njegov rad na obrazovanju mladih kako iz stručne sfere tako i u promociji ekoloških ideja i znanja.

Zbog svog aktivizma, društveno- političkog rada, rada sa mladima Prof dr. Samir Lemeš zaslužen nosi tituli Šampiona zaštite prirode 2018. godine.

